

樂安縣志卷之三

川澤志

叙曰國之有山川所以表封疆之限也而以之域民
以之利用以之設險固圉則為流為峙皆所謂因地
之宜而和民之志者也乘當濱海一區平原四望雖
培塿邱垤尚缺焉如剪又何論崇岡峻嶺建標以為
鄰望乎然而淄繞其前濟承其後時陽巨定濬濬湯
湯古稱馬車之瀆今有利農之隄則勤疏濬而繼成
功者皆守土之責也語云為下必因又何必邱陵之

樂安縣志

卷之三

川澤

一

是問哉作川澤志

海

在城東北一百三十里古所稱渤海也按漢有北海

渤海二郡皆在齊之境内而邑當其交

東為北海郡
壽光古廣劇

二縣西則渤海
郡之濕沃等縣

昔季札稱齊則曰東海山海經曰海

東北陬為渤海河濟遼濶沱四水注之亦曰渤解說

文曰天池也以納百川者或曰少海海別枝名也齊

乘曰北徼之山循塞東入朝鮮海限塞山有此一曲

北自平州碣石南至登州沙門島是渤海之口濶五

百里西入直沽幾千里焉今沙門島對岸之鐵山正當渤海之口由沙門大海以西皆為青州北海地則邑所負之海謂之渤海也可即謂之北海也亦可附載

按樂安既東北近海又有淄河關海口而明時海運故道邑糧必由正北陸運一百里至蒲臺縣入大清河開船又一百七十里至利津縣之牡礪口然後由海達之海倉則邑之新河口必有不便行船之處即通志亦載口小沙淺可泊三十船難避颶風則後之言運者慎無輕於一試也

濟水

逕城西北七十里入海俗名小清河即濟水古道也

水經濟水又東北灤水出焉酈註灤水出歷縣故城西南即今之釣突泉也又

樂安縣志

卷之三 川澤

二

東北逕華不注山又東北過臺縣北又東北合芹溝

水今歷城縣東北龍山茶柏河是又東北過菅縣南章邱縣西北有菅縣故城又

東過梁鄒縣北梁鄒故城即今鄒平縣治又東北過臨濟縣南今高

苑縣西南又東北滙為淵渚謂之平州今高苑縣東南麻大泊又東

北逕樂安縣故城南古樂安即今博興縣又東北過利縣西今縣

西有利城又東北過甲下邑酈注甲下邑南有琅槐故城在今縣東北一百十里又

東北入海禹貢錐指云濟水自東平以下唐人謂之

清河酈道元謂濟水通得清之目此清河之名所自

來也至宋又有南北清河之名河渠志云熙寧十年

河決澶州徙而南東滙於梁山張澤灤分爲二一
合南清河入於淮一合北清河入於海北清河卽濟
也宋南渡後北清河又有大小之分蓋自劉豫導
東行始齊乘以大清河爲濟水古道小清河爲劉
所創志家皆沿其說而不知其謬又潛邱劄記云一
統志大清河在歷城縣北自齊河縣流入又東北入
濟陽縣界其上流卽古濟水也小清河在歷城縣北
卽古灤水也臣按自漢至隋唐惟有濟水杜佑始有
清河之名宋南渡後始有大小清河之分今者小清

樂安縣志

卷之三

川澤

三

所經自歷城以東如章邱鄒平長山新城高苑博興
樂安諸縣皆古濟水所行而大清所經自歷城以上
至東阿固皆濟水故道而自歷城東北如濟陽齊東

青城諸縣則皆古漯水所行

水經漯水又逕著縣南
又東逕伏生墓前古著

縣今濟陽縣也伏
生墓在鄒平縣北

蒲臺以北則古河水所經故元和

志寰宇記皆云濟水最南漯水居中河水最北蓋唐
宋時河嘗行漯瀆及河去而濟行河漯二瀆濟之入
漯端在此時迨後濟陽之流日盛則章邱之流日微
故劉豫堰灤使東其後東行多梗灤仍隨濟而趨豈

可謂小清源於濼而昧其為濟之故道乎

按小清河為劉豫所

開其說本于齊乘嗣是而濟南府志以及歷城章邱鄒平長山新城高苑博興諸縣志無不隨聲附和明三百年名公鉅卿作小清河記者無不踵襲其說豈水經一書從未之見乎更可哂者章邱志以獾水胃為濼水而即以古濼目之非惟不知有濟并不知有濼今濼之源流不必詳叙而小清河從邑境入海乃總括之地豈可不晰其由來舊志不標小清而直標曰濟水知所本矣且詳述禹貢水經遠勝於雷同剿說惜其分合緣起尙未條貫故辨之不厭其詳而又恐一人之說難以闢衆人之論故列引史書而議云不參末

淄水

今名淄河水經淄水出泰山萊蕪縣原山又東北過

樂安縣志

卷之三

川澤

四

臨淄縣東又東過利縣東又東北入于海今水出益

都縣顏神鎮東南二十五里岳陽山東麓地名泉河

古萊蕪地

顏神鎮古屬萊蕪唐宋後屬濟南淄川明正德間始改屬益都

岳陽即原

山也東北流逕萊蕪谷又北逕馬陵俗名長峪道出

峪東流聖水入焉又東北逕牛山折而北天齊淵水

入焉又北漸古齊東城又北盤旋官道左至城南二

十里黃坵店南入邑境北至曲堤折而東北流逕城

東十里朱家道口又東北逕古鉅定廣饒琅槐地合

濟水入海而桑欽偶遺鉅定廣饒琅槐三縣未及是

以酈道元補注之曰淄水又東逕鉅定縣故城南又東北逕廣饒縣故城南又東北逕琅槐縣故城南所謂三縣故城南其實爲利縣之東今邑之東北爾李方膺民瘼要覽曰淄河乃沙底湍水性復善激兩傍隄岸坍塌漲無常而經邑之東南直射城郭故防護之功最關緊要過伏秋則無患矣

陽水

漢志云爲山濁水所出東北至廣饒入鉅定水經謂之北陽水亦謂之繩水注云出廣縣城西東北流逕廣固城西又東北流逕堯山東又東北流逕東陽城

樂安縣志

卷之三

川澤

五

北又東北流合長沙水

一名南陽水即瀾河也

又北逕臧氏臺

西又北經益城西又北流注鉅淀今水出益都縣西三十里九迴山古廣縣爲山也東北逕五龍口又經廣固廢城行於絕澗之底水激而岸峻古諺云瘦馬不渡繩指此也東北逕堯山東又東北逕臨淄縣之石槽城又北逕壽光之臧臺西陽河里流至邑城東南二十五里大王橋又東北至彭家道口又東北注

清水泊

按南陽北陽俱當作陽字俗作洋字者誤又以爲巨洋水者更誤巨洋源出沂山之洱水

壽光安曰繩澗兩水異派殊名在益都城北者自爲繩水所謂繩水帶城不拔者此也在臨淄城

西者自爲澠水所謂黃金橫帶騁乎淄澠之間者是也世因字畫之誤遂以繩澠二水重見互出不知其非再攷之晏謨伏琛竝言東陽城在繩水之陽而平昌龐氏又有維彼繩泉之句是確以益都之水爲繩也淮南子曰淄澠之水合易牙嘗而知之列子說篇及呂氏春秋俱作淄澠是確以臨淄之水爲澠也俗相沿而易訛故竝正之

女水

水經注女水出東安平縣之駝頭山

一名菟頭又名鼎足

水西

有桓公冢因山爲墳或曰桓公女冢在其上故又名裙帶河今俗呼二王冢水東北流逕東安平縣故城南又逕安平城東東北逕壟邱東東北入澱今水出

樂安縣志

卷之三

川澤

六

臨淄縣鼎足山左通塞不常出則逕安平城東北入北陽水續述征記曰女水至安平城南伏流一十五里然後更注北陽水今安平城東北平地出泉俗名馬臺河逕官莊流至邑城東南二十五里大王社始入邑境逕城東淄河店東北至穰河口入巨淀土人云此卽二王冢水伏流者通鑑作汝水南燕慕容隗據廣固時汝水告竭卽此水也

李方膺民瘼要覽曰女河可以洩低窪積

水乃邑中大有利於民者也淤塞六十餘年雍正十年方得疏通然燕口李家口二處居民徃徃私築隄堰蓄水灌蒜久則漸致梗廢宜預防嚴加禁飭者也

澠水

俗名漿水河水經注澠水出營城東齊乘云謂之漢
湊水也逕博興南貝邱西北入時水今水出臨淄縣
古齊城北流又西北歷姬王里至邑城西南二十五
里張郭店入境歷楊趙鋪西南合長沙水又西北至
博興縣東南李鑑橋入烏河烏河卽時水也此水勢
極紆曲俗稱九里十八灣齊景公謂有酒如澠魯仲
連謂田單騁乎淄澠之間淮南子謂易牙嘗淄澠而
別之者卽此也年久淤塞每遇夏秋不無汎溢爲患

樂安縣志

卷之三

川澤

七

清水泊

在城東北四十里受北陽與女二水又北爲馬車瀆
合淄水本名鉅定湖入壽光界其西北爲漢鉅定縣
詳建置志

支脉溝

在城北六十里起高苑城南二里逕博興盡邑境洩

馬家泊一帶水入於海今迹微存

原志 按通志金
皇統二年高苑令

高通於城南二里開支脉溝挽濟水向東南至博興
逕邑新橋入海蓋濟水向行高苑城南至隋唐間不
改其道故隋置臨濟唐置濟陽則濟水之在城南可
據迨後移縣治於濟水之南故舊通志曰濟水在縣

北七十里高通改之城南此支脉溝之緣起故明時
東人尚以小清爲劉豫所開不知其爲濟水故道而
湮塞既久并不知支脉溝之卽爲小清河近自康熙
五十八年博興知縣李元偉奉委開濬小清河於支
脉溝之南直接軍張道口下及博興實由古道而時
人莫識原委故持論亦未確或以支脉溝爲小清之
支流又有云係元偉所勗皆非定見原志序事
簡要而亦未能確指宜乎後人之昧所從來也

隄橋附

曲堤

卽淄河堤也淄河自黃坵店入邑境離城二十里北
射城郭元邑尹蘓肯李築隄庸水起阜城舖東南至
東北延袤五里蓋在淄河之北岸以護城者明隆慶

樂安縣志

卷之三

川澤

八

萬曆間屢被冲決知縣楊桂吳一龍姜璧相繼修塞
增高培薄堤以永賴

皇清雍正八年知縣李方膺詳請動項修築

蒙上憲允詳
動倉穀二千

二百石工
一月而成

舊堤如新城東朱家道口淄河東岸舊亦

有堤明嘉靖二十五年知縣王本固所築今久廢

李方

膺民瘼要覽曰豐臺口在淄河西岸關係十里舖趙
家等三十餘庄雍正八年冲決九年修理十年加修
等殷家口在城東北九里淄河西岸關係司家秦王
必得石工其根方固王鎮口淄河東岸關係王鎮
等二十四莊雍正十年加修呂家道口淄河東岸
關係呂明等七莊雍正九年加修蝦蟆灣淄河東
岸關係呂常邢等二十餘莊宜歲加修築五村口在

縣正東延良十有餘里關係蔣戶等五十餘莊此係衝道車馬往來易致缺陷必須時常查勘加修補
大王橋前屯後屯凡沿河堤岸皆
係官地嚴禁侵種庶免日就卑薄

龍坵

即豐臺在曲堤西南首建龍祠於其上

程益龍祠記
元蘓肯李建

利農堤

在城北濟水岸明成化十七年知縣沈清所築

東郭石橋

一名涵垓

南郭門橋

樂安縣志

卷之三

川澤

九

係木橋

西城門橋

係石橋

明萬曆間知縣韓應奎重修後圯
本朝康熙六年生員朱金星重建

北郭門橋

係木橋

三角灣橋

係磚橋

明萬曆間邑人蔣奇鍾建蓋因城東南湟水
會流於此故名三角灣夏秋霖潦行李病涉

建橋之後
車徒便之

平政橋

在石辛鎮跨濟水上係石橋

明成化間知縣奚銘建時大學士邱文莊公濬

來遊樂邑題曰
平政蓋寓意焉

朝宗橋

在草橋鎮跨濟水上係石橋

明成化間知縣沈清建舊係草橋故以名鎮沈

易以石更今名崇徵六年邑人李中行重修

太平橋

在吉王社跨北陽水上係石橋

大王橋

在大王橋莊跨北陽水上係石橋

樂安縣志

卷之三

川澤

十

延家橋

在延家集跨北陽水上係石橋

彭家道口橋

在彭家道口跨北陽水上係石橋

李家橋

在李家莊跨北陽水上係石橋

通濟橋

在城悞寺跨女水上係石橋

刁家橋

在刁家莊跨女水上係石橋

淄河店橋

在淄河舖跨女水上係石橋

澗橋

在李家莊跨澗水上係石橋

廣財橋

在楊趙舖跨澗水上係石橋

康熙五年邑人
孫三錫重修

李方膺曰邑內縱橫五水不聞其爲利而頗爲害是豈水之性哉蓋不能因其利而導之也灌溉之利不講

樂安縣志

卷之三

川澤

十一

徒知壅水以病鄰卽網罟之利亦不專徒知斷流以承筍蒲葦宜於沼沚而彼則汎汎於中流舟楫便於往還而彼則循循於橋岸誰謂東人之子智哉然攷古之士尙不能辨其源流劑其盈縮則蚩蚩者又無論矣嗟乎錦帶秋風未老碩人之邁軸桓臺春雨空留學士之吟哦徒使鄭白風流竟遠遜於蘓于之著述司牧之責也鄉先生其起予否乎